


Proxecto de fomento do uso do galego

EDLG - IES San Clemente

Ano escolar 2021 - 2022



Índice

[Introdución](#)

[Integrantes do EDLG](#)

[Historia do IES San Clemente](#)

[Localización](#)

[Organización e horario do centro](#)

[Estudo sociolingüístico do centro](#)

[6.1.- Contorno sociolingüístico do centro](#)

[6.2.- Situación do profesorado](#)

[6.3.- Situación do alumnado](#)

[6.4.- Situación lingüística do centro](#)

[Oferta académica](#)

[Alumnado matriculado](#)

[Obxectivos e actividades](#)

[9.1.- Contorno do centro](#)

[9.2.- Profesorado](#)

[9.3.- Alumnado](#)

[9.4.- Centro](#)

[Actividades principais](#)

[10.1.- Concursos e certames](#)

[10.2.- Rumbo](#)

[10.3.- Proxectos fin de ciclo para a promoción do galego](#)

[10.4.- Proxectos eTwinning](#)

[10.4.1.- Proxecto eTwinning "Christmas Card Exchange 2021"](#)

[10.4.2.- Proxecto eTwinning Letras Galegas: Marcapáxinas](#)

1. Introducción

No IES San Clemente desenvóléronse historicamente proxectos e actividades que contemplan a dinamización lingüística e o desenvolvemento da cultura galega como principal eixo condutor.

Aínda que no centro existen desde sempre iniciativas en prol da nosa lingua e da nosa cultura, o EDLG do IES San Clemente funciona desde a creación dos equipos de normalización lingüística e, desde ese momento, existe un proxecto global de normalización que se revisa ano tras ano. Por iso, e dado que un centro de ensino non pode illarse do tecido social do que forma parte, sendo mesmo reflexo, en moitas ocasións, do que naquel acontece, este proxecto deberá continuar este labor coa finalidade de acadar todos os seus obxectivos.

Por esta razón, e porque o método de traballo de cursos precedentes debe ser revisado e as actividades que se van desenvolver axeitadas aos obxectivos perseguidos, este proxecto busca consolidar un método de traballo que se poida levar a cabo de forma continuada no presente curso escolar e nos cursos posteriores, polo que sería considerado como plan plurianual.

Pódese consultar este proxecto no seguinte enderezo:

www.iessanclemente.net/edlg/equipo

2. Integrantes do EDLG

Como ordena o artigo 15º do Decreto 79/2010, do 20 de maio, para o plurilingüismo no ensino non universitario en Galicia (DOG nº 97, do 25 de maio), no IES San Clemente constituíuse un equipo de dinamización da lingua galega, nomeado e supervisado pola dirección do centro e formado por unha persoa coordinadora, por profesorado, por representantes do alumnado e por persoal non docente.

A continuación indícase a composición do equipo de dinamización lingüística do IES San Clemente:

Coordinadora:

Carme González Bueno Galego

Profesorado:

Lourenzo Álvarez Ruíz	Galego
María Soledad Castellanos Merayo	Francés
Isabel Gamallo Gómez	Informática
Antón Labraña Barrero	Matemáticas

Alumnado:

Martín Arufe Sánchez	DAW
María Natalia Codesido Suárez	ESA
Óscar García Gómez	ASIR
Sergio Gómez Lajos	SMR
Esther Hernández Betancourt	DAW
Marta Maceda Gil	Bacharelato
Ione Morales Rodríguez	DAW
Jenny Paola Pirela Urrea	DAW
Laura Veiga Rodríguez	DAW

Persoal non docente:

Carme Otero Cruz Conserxaría

Colaboración externa:

- IES de Monterroso, IES Cosme López Rodríguez da Rúa, IES Praia Barraña e outros centros galegos por determinar.
- AE Carlos Amarante de Braga, Portugal; AE Sophia de Mello Breyner de Vila Nova de Gaia, Portugal.

3. Historia do IES San Clemente

A historia do IES remóntase ao ano 1948, cando unha viúva compostelá doou uns terreos situados no campo de San Clemente á Igrexa, coa finalidade de que neles se construíse un centro para acoller os nenos pobres da cidade e proporcionarlles uns coñecementos profesionais que lles permitisen no futuro desempeñar un oficio. A doazón realizouse por motivos píos e a Igrexa tutelou o desenvolvemento das obras de edificación a través de D. Fernando Quiroga Palacios.

Aínda que o edificio puido estar rematado antes, as súas actividades non comezaron até o ano 1953 que, curiosamente, coincide tamén co momento en que o Papa Pío XII designou cardeal a Don Fernando Quiroga Palacios.

A historia vén demostrar que o centro sempre estivo vinculado a ensinanzas profesionais: foi escola de traballo, escola de artes, escola de mestría industrial, centro de formación profesional... Non foi até a última década do século XX cando, coa reforma educativa formulada na LOXSE, pasou a denominarse IES e, xa no século XXI, se introduciron as ensinanzas non estritamente profesionais.

O edificio forma parte, estrutural e arquitectonicamente, do conxunto histórico da cidade. Foi sempre de titularidade pública e, polo tanto, depende da Consellaría de Cultura, Educación e Universidade da Xunta de Galicia.

4. Localización

O centro está situado na cidade de Santiago de Compostela, na rúa San Clemente s/n.

Desde a nosa plataforma educativa podemos levar o noso idioma a todos os lugares do planeta.

5. Organización e horario do centro

O centro conta cun horario amplo, tanto para realizar calquera proceso administrativo como para estudar calquera das ensinanzas impartidas.

Horario do centro: 8:45 – 14:35 e 16:00 – 23:00 h.

Horario de atención ao público da oficina:

Mañás: de luns a venres, 9:00 – 14:00 h.

Tardes: martes e xoves, 17:00 – 19:00 h.

O centro conta tamén cun cadro de persoal que traballa en equipo dentro dun marco de cordialidade.

6. Estudo sociolingüístico do centro

6.1.- Contorno sociolingüístico do centro

O IES San Clemente é un centro urbano nunha cidade onde o uso da lingua galega é aceptado pola sociedade, formada por persoas de diferente procedencia (traballadores de todos os lugares, universitarios, visitantes, etc).

O centro ofrece educación tanto presencial como a distancia. Dadas estas características especiais, resulta difícil analizar a súa realidade sociolingüística, xa que cada modalidade educativa se desenvolve nun contorno diferente e a zona de influencia é toda Galicia.

6.2.- Situación do profesorado

O profesorado encargado de bacharelato e ESA a distancia desenvolve o seu labor en galego de forma maioritaria, como pode comprobarse na aula virtual, que é o vehículo prioritario de comunicación entre o profesorado e o alumnado. Tanto as guías (equivalente ao libro de texto), como os documentos e comunicacións na aula virtual fanse principalmente en galego.

En canto á formación profesional, a normativa non especifica o idioma que hai que usar para impartir os módulos. O centro procura que exista unha oferta equilibrada en galego e en castelán que garanta que o alumnado acade a competencia lingüística adecuada nas dúas linguas oficiais.

A actitude xeral do profesorado cara á lingua galega é positiva, aínda que se pretende mellorar coa participación activa en actividades e proxectos nos que o uso do galego é fundamental.

6.3.- Situación do alumnado

O alumnado é de procedencia xeográfica e clase social variadas:

- O alumnado dos ciclos formativos (ordinario, modular e distancia) non só provén dos concellos limítrofes, senón de toda Galicia.
- O alumnado matriculado na ESA telemática procede de toda Galicia.
- O alumnado inscrito en Bacharelato procede de toda a comunidade, por ser este centro o único en Galicia que imparte esta modalidade a distancia. Pero constatamos, pola comunicación mantida a través da plataforma virtual, que pode atoparse fóra da comunidade e mesmo do país mentres realiza os seus estudos.

En xeral, o alumnado que provén de zonas urbanas utiliza menos o galego na comunicación espontánea que o que vén do rural. Moitos deles fan o esforzo de falar galego cando o profesor ou profesora imparte a clase nesta lingua, pero outros non.

O EDLG pretende ampliar o uso do galego entre o alumnado a través de concursos, actividades culturais e proxectos que, aínda que sexan compartimentos estanco nas vidas do alumnado, contribúen a mellorar a actitude e a eliminar prexuízos. Tamén queremos facerlle ver ao alumnado que o galego é unha lingua importante no seu futuro laboral.

6.4.- Situación lingüística do centro

Con respecto á comunicación interna e externa do centro, esta realízase integramente en galego (agás os casos contemplados na lei, de relación con organismos doutras comunidades autónomas), como pode verse na plataforma educativa.

O instituto conta cun plan de modernización e internacionalización que trata aspectos como a visibilidade internacional do centro, as mobilidades Erasmus+ para alumnado (estudos e prácticas) e profesorado, proxectos eTwinning e seccións bilingües, entre outros.

Tamén publicamos novas na web do centro, en Facebook, Twitter e Instagram; editamos dúas wikis de manuais e axuda, etc.

En todas estas comunicacións e proxectos, mesmo os levados a cabo a nivel internacional, está presente o galego.

A contribución do EDLG é axudar a corrixir as publicacións, impulsar proxectos (eTwinning, etc.) e axudarlle ao profesorado a publicar novas nos diferentes apartados temáticos da web do instituto.

7. Oferta académica

O IES San Clemente ofrece educación tanto presencial como a distancia:

Oferta educativa presencial:

- Ciclo medio Plurilingüe Sistemas Microinformáticos e Redes (SMR).
- Ciclo superior Plurilingüe Administración de Sistemas Informáticos en Rede (ASIR).
- Ciclo superior Plurilingüe Desenvolvemento de Aplicacións Multiplataforma (DAM).
- Ciclo superior Plurilingüe Desenvolvemento de Aplicacións Web (DAW).
- Ciclo superior ASIR modular
- Ciclo superior DAW modular
- Ciclo superior DAW dual
- Curso de Especialización en Ciberseguridade en contornos das tecnoloxías da información

Oferta educativa a distancia:

- Ciclo superior SMR modular
- Ciclo superior ASIR modular
- Ciclo superior DAM modular
- Ciclo superior DAW modular
- Bacharelato telemático para persoas adultas.
- ESA telemática.

8. Alumnado matriculado

Estudos	Número de alumnos/as
Bacharelato (adultos)	1148 *
ESA (adultos)	690 *
Ciclos formativos	1.148
Cursos de especialización	20
Total	3.006

* Os datos corresponden a principios de xaneiro, pero as cifras poden aumentar, xa que a matrícula da ESA e Bacharelato está aberta practicamente ata finais de abril.

9. Obxectivos e actividades

O obxectivo principal do equipo de dinamización da lingua galega é potenciar o uso do galego no centro educativo. Esta é a descrición dos obxectivos específicos baseada no estudo sociolingüístico do centro:

9.1.- Contorno do centro

9.1.1.- Dar visibilidade aos proxectos e actividades do centro e doutras entidades para que a cidadanía saiba do noso compromiso coa lingua galega, por medio da prensa, web, redes sociais e revista.

Actividades:

- Rumbo: publicación en formato A5 con todo o material desenvolvido durante este ano (por exemplo os relatos premiados, etc.)
- Difusión na web, redes sociais e prensa, das actividades realizadas no centro, relacionadas directa ou indirectamente coa lingua galega.
- Subscrición á revista *A viñeta de Schrödinger*, apoiando publicamente esta iniciativa da MNL e da AS-PG.
- Pago e mantemento da web e Moodle da Embaixada eTwinning Galicia.

9.2.- Profesorado

9.2.1.- Fomentar o uso do galego a nivel oral e escrito coa participación en actividades e proxectos nos que o uso do galego é fundamental.

Actividades de promoción da lingua por medio de eTwinning:

- Christmas Card Exchange.
- Letras galegas.
- Publicacións da embaixada eTwinning Galicia.
- Ofrecemento permanente ao Servizo Central de Bruxelas para traducir as interfaces do eTwinning Live e TwinSpace ao galego.

9.2.2.- Garantir unha oferta de materiais didácticos de calidade e en diversos soportes.

Actividades:

- Solución de dúbidas aos membros da comunidade educativa.

9.2.3.- Publicar nos diferentes apartados temáticos da web do instituto e nas TVs dos corredores.

Actividades:

- Publicación de artigos: “Novas” e “Novas de dinamización lingüística”.
- Axuda e colaboración para a publicación noutros apartados como “PluriFP”, “Proxectos europeos”, “Orientación” e “Obradoiro da Igualdade”.
- Incorporación de vídeos á lista de reprodución de YouTube de música galega moderna.
- Publicación de traballos realizados en cooperación con EDLGs doutros centros.

9.3.- Alumnado

9.3.1.- Asegurar que o alumnado acade a competencia lingüística propia do nivel nas dúas linguas oficiais.

Actividades:

- Información e orientación ás persoas que o soliciten.
- Participación en actividades e proxectos.

9.3.2.- Fomentar o uso do galego a nivel oral e escrito coa participación en actividades, concursos e proxectos nos que o uso do galego é fundamental.

Actividades:

- Participación en concursos do EDLG e doutras entidades.
- Actividades de promoción da lingua por medio de eTwinning:
 - Christmas Card Exchange.
 - Letras galegas.
 - Outros proxectos doutros departamentos, nos que tamén se utiliza o galego.

9.3.3.- Eliminar prexuizos e comprender que o galego é unha lingua importante no seu futuro laboral.

Actividades:

- Participación en proxectos eTwinning.
- Participación ou colaboración, cando as circunstancias o permitan, no Plan Proxecta e outros.

9.4.- Centro

9.4.1.- Esixir o cumprimento da lexislación sobre o uso da lingua galega no sistema escolar, adaptada ás súas especificidades e orientada a acadar unha boa competencia nas dúas linguas oficiais.

Actividades:

- Información e orientación aos docentes que o soliciten.
- Solicitud á Consellaría de Educación de maior presenza do galego nos materiais de FP a distancia.

9.4.2.- Coidar de maneira especial o uso da lingua nas plataformas educativas, actualizándoas e sometendoas a continuas revisións.

Actividades relacionadas coa páxina web **www.iessanclemente.net**: plataforma educativa a distancia, plataforma educativa “Mestre”, wikis de manuais e axuda:

- Atención á utilización da lingua galega nas plataformas educativas, sometendoa a continuas revisións.
- Información sobre a normativa vixente.
- Información sobre os obxectivos e as actividades do EDLG en www.iessanclemente.net/edlg/equipo.

9.4.3.- Manter a presenza do galego en todos os proxectos locais, autonómicos, nacionais e internacionais, situándoo ao mesmo nivel que o resto das linguas.

Actividades:

- Proxectos eTwinning indicados en puntos anteriores.
- Solicitar ao SNA eTwinning España que modifiquen a aplicación de eTwinning Live para poder marcar a opción “galego” como idioma de traballo dun participante ou dun proxecto.
- Colaboración estreita cos departamentos de Bioloxía e Xeoloxía, Matemáticas, Lingua Galega, Francés e Obradoiro da Igualdade.

10. Actividades principais

O equipo de dinamización da lingua galega do IES San Clemente leva varios anos de traxectoria realizando múltiples actividades ao longo de todo o curso. Algunhas delas repítese anualmente con éxito. Cabe destacar o concurso literario que xa leva 34 edicións.

Na primeira reunión deste ano propuxemos darlle continuidade, neste curso escolar, a aquelas actividades que contan cunha traxectoria e aceptación por parte do alumnado e que a continuación se describen con detalle e para as que se vai solicitar financiamento á Consellaría de Educación.

10.1.- Concursos e certames

Temos previstas novas convocatorias de concursos e certames que tiveron éxito en anos anteriores e novos concursos nos que ademais do alumnado, tamén poderá participar o resto da comunidade educativa. Pretenden estimular a creación literaria e audiovisual utilizando o galego.

- 12º Concurso de felicitacións de ano novo.
- 7º Certame de relato breve.
- 7º Certame de microvídeos.
- 35º Concurso literario.
- 12º Concurso europeo de marcapáxinas.

Os premios son vales de material educativo e informático.

10.2.- Rumbo

Edición do sétimo número da publicación Rumbo, con todo o material desenvolvido durante este ano (obras seleccionadas nos concursos e certames do EDLG, exposicións, presentacións, etc). Desta maneira daremos visibilidade aos contidos creados polo alumnado e profesorado, en galego, nunha publicación física e dixital.

Difundida en:

- Web: www.iessanclemente.net/edlg
- Facebook: www.facebook.com/iessanclemente
- Twitter: twitter.com/iessanclemente
- Instagram: www.instagram.com/iessanclemente

10.3.- Proxectos fin de ciclo para a promoción do galego

Este ano faremos a segunda edición dun concurso en colaboración co Obradoiro da Igualdade que ten como obxectivo crear un conxunto de ideas que poidan ser implementadas polo alumnado de ciclos superiores no módulo *Proxecto de fin de ciclo*. Estas ideas deben tratar as temáticas da igualdade e/ou da lingua galega.

10.4.- Proxectos eTwinning

Como vén sendo habitual, desde o EDLG levamos a cabo a xestión e coordinación de dous proxectos eTwinning:

10.4.1.- Proxecto eTwinning “Christmas Card Exchange 2021”

Décimo segundo ano do eTwinning “Christmas Card Exchange”, desenvolvido polo IES San Clemente en colaboración con alumnado e profesorado de varias escolas europeas

Neste proxecto, o alumnado de cada colaborador participante crea postais de Nadal que son publicadas na plataforma eTwinning e, ademais, son distribuídas tamén en formato físico entre os centros participantes para a súa exposición neles.

Para desenvolver o proxecto, os participantes traballan nunha plataforma en liña que tamén serve para difundir os resultados, accesible nesta ligazón:

<https://www.iessanclemente.net/christmas-card-exchange>

O EDLG encárgase da corrección dos textos e difusión do resultado en:

- Web: www.iessanclemente.net
- Embaixada eTwinning Galicia: embaixada.etwinning.gal
- Facebook: www.facebook.com/iessanclemente
- Twitter: twitter.com/iessanclemente
- Instagram: www.instagram.com/iessanclemente

10.4.2.- Proxecto eTwinning Letras Galegas: Marcapáxinas

Este é o décimo segundo ano do proxecto das Letras Galegas, no que traballamos centros de Galicia, Portugal, Francia, Italia, Polonia e Reino Unido:

<https://www.iessanclemente.net/programas-europeos/letras-galegas>

Aínda que a lingua de comunicación entre o alumnado sempre foi o inglés, a lingua protagonista é o galego e a tarefa faise ao redor da persoa homenaxeada no Día das Letras Galegas, que este ano é Florencio Delgado Gurriarán.

O resultado final é un conxunto de marcapáxinas presentados ao concurso. O gañador é impreso polo IES San Clemente e distribúese nos meses de maio e xuño.

O papel do EDLG e do Departamento de Galego neste proxecto é fundamental, xa que se encargan da coordinación, dinamización, corrección dos textos, así como da difusión dos resultados finais.

Edicións anteriores do proxecto gañaron o selo de calidade nacional eTwinning e o selo europeo en Portugal, Francia, Italia, Polonia e España.

Para desenvolver o proxecto, os participantes traballan nunha plataforma online que tamén serve para difundir os resultados.

Difusión:

- Web: www.iessanclemente.net
- Embaixada eTwinning Galicia: embaixada.etwinning.gal
- Facebook: www.facebook.com/iessanclemente
- Twitter: twitter.com/iessanclemente
- Instagram: www.instagram.com/iessanclemente

Santiago de Compostela, 30 de setembro de 2020.

A coordinadora do EDLG

Visto e prace do director

Carme González Bueno

Víctor Lourido Estévez